

山海經第十六

晉郭璞傳

明吳琯校

大荒西經

西北海之外大荒之隅有山而不合名曰不周負子

淮南子曰管者共工與顓頊爭帝怒而觸不周之山天維絕地柱折故今此山缺壞不周匝也有兩

黃獸守之有水曰寒暑之水水西有濕山水東有幕

山音莫有禹攻共工國山言攻其國殺其臣相柳於此山啓筮曰共工人面蛇身朱

也

有國名曰淑士顓頊之子言亦出自高陽氏也有神十人名曰

山海經

卷之六

乙

女媧之腸或作女媧之腹化為神處栗廣之野女媧古神女而帝者人面

蛇身一日中七十變其腹化為橫道而處言斷道也有人名

曰石夷來風曰韋來或作本也處西北隅以司日月之長

短言察日月畧度之節有五彩之鳥有冠名曰狂鳥爾雅云狂夢鳥即此

也 有大澤之長山有白氏之國

西北海之外赤水之東有長脰之國脚長三丈有西周之

國姬姓食穀有人方耕名曰叔均帝俊生后稷俊空為馨

馨第二妃生后稷也稷降以百穀稷之弟曰台音胎璽生叔均叔

均是代其父及稷播百穀始作耕有赤國妻氏有雙

山



西海之外大荒之中有方山者上有青樹名曰柜格

之松木名音矩日月所出入也

西北海之外赤水之西有先民之國食穀使四鳥有

北狄之國黃帝之孫曰始均始均生北狄有芒山有

桂山有榑山此山多桂及榑木因名云耳其上有人號曰太子長

琴顓頊生老童世本云顓頊娶于滕瓚氏謂之女祿產老童也老童生祝融

即童黎也高辛氏人正號曰祝融也祝融生太子長琴是處榑山始作

樂風創制樂風曲也有五彩鳥三名一曰皇鳥一曰鸞鳥一

曰鳳鳥有蟲狀如菟曾以後者裸不見言皮色青故不見其裸露

處青如猿狀狀又侶援

山海經 卷之十六

大荒之中有山名曰豐沮玉門日月所入有靈山巫

咸巫即巫盼巫彭巫姑巫真巫禮巫抵巫謝巫羅十

巫從此升降百藥爰在羣巫上下此山采之也

西有王母之山壑山海山皆羣大靈之山有沃之國言其土饒沃也

沃民是處沃之野鳳鳥之卵是食甘露是飲凡其所

欲其味盡存言其所願滋味此無所不備爰有甘華甘祖白柳視

肉三騅璇瑰瑤碧瑤瑰亦玉名穆天子傳曰枝斯瑤瑰枚回二音白木琅玕

樹色正白今南方有文木亦黑木也白丹青丹又有黑丹也孝經援神契曰王者德至山陵而

黑丹出然則丹者別是彩名亦猶黑白黃皆云丹也多銀鐵鸞鳥自歌鳳鳥自

舞爰有百獸相羣是處是謂沃之野有三青鳥赤首



黑目一名曰大鷲一名少鷲音黎一名曰青鳥皆西王母所使

也神之有軒轅之臺射者不敢西嚮射畏軒轅之臺敬難黃帝

大荒之中有龍山日月所入有三澤水名曰三淖昆

吾之所食也穆天子傳曰滔水濁繇氏之所食亦此類也有人衣青以袂

蔽面袂袖名曰女丑之尸有女子之國王頎至沃沮國蓋東界間其耆

老曰國入常乘船捕魚遭風見吹數十日東一國在大海中純女無男即此國也

有桃山有蚩山有桂山有于土山有丈夫之國其國無婦

也人

有弇州之山五彩之鳥仰天張口名曰鳴鳥爰有百

山海經 卷之十六

樂歌儻之風爰有百種伎有軒轅之國其人人面蛇身江山

之南棲為吉即窮山之際也山居為棲吉者言無凶天不壽者乃八百歲

壽者數千歲

西海階中有神人面鳥身珥兩青蛇踐兩赤蛇名曰

弇茲

大荒之中有山名曰日月山天樞也吳姬天門日月

所入有神人面無臂兩足反屬於頭山名曰噓言噓也

顛頊生老童老童生重及黎世本云老童娶于根水氏謂之驕福產重及黎

帝令重獻上天令黎叩下地古者人神雜擾無別顯項乃命南正重司天以

屬神命火正黎司地以屬民重實下地是生噓處於

上天黎實下地獻叩義未詳也



西極以行日月星辰之行次主察日月星辰之度數次舍也

有人反臂名曰天虞即尸也有女子方浴月帝俊妻常

羲生月十有二此始浴之羲與羲和浴日司有玄丹之山出黑

也丹有五色之鳥人面有髮爰有青鳶音文黃鵞音敖青鳥

黃鳥其所集者其國亾有池名孟翼之攻顓頊之池

孟翼人姓名

大荒之中有山名曰鑿鑿鉅鑿音如敖日月所入者有獸

左右有首名曰屏蓬即并封也語有輕重耳有巫山者有壑山

者有金門之山有人名曰黃姬之尸有比翼之鳥有

白鳥青翼黃尾玄喙奇鳥有赤犬名曰天犬其所下者

山海經 卷之六 四

有兵周書云天狗所止地盡傾餘光燭天為流星長十數丈其疾如風其聲如雷其光如電吳楚七

國反時吠過梁國者是也

西海之南流沙之濱赤水之後黑水之前有大山名

曰崑崙之丘有神人面虎身有文有尾皆白處之言其

尾以白為點駁其下有弱水之淵環之其水不勝鴻毛其外有炎火

之山投物輒然今去扶南東萬里有耆薄國東復五千里許有火山國其山雖霖雨火常

然火中有白鼠時出山邊求食人捕得之以毛作布今之火澣布是也即此山之類有人戴勝

虎齒有豹尾穴處名曰西王母河圖玉版亦曰西王母居崑崙之山西山

經曰西王母居玉山穆天子傳曰乃紀名迹于弇山之石曰西王母之山也然則西王母雖以崑崙之宮

亦自有離宮別窟遊息之處不專住此山萬物盡有

一山也故記事者各舉所見而言之



大荒之中有山名曰常陽之山日月所入

有寒荒之國有二人女祭女農或持解

有壽麻之國呂氏春秋曰南服壽麻北懷鬪耳

南嶽娶州山女名曰女虔女虔生季格季格生壽麻

壽麻正立無景疾呼無嚮言其稟形氣有異於人也列仙傳曰玄俗無景爰

有大暑不可以往言熱炙殺人也有人無首操戈盾立名曰

夏耕之尸亦行天尸之類故成湯伐夏桀于章山克之于章山名

斬耕厥前頭亦在前者耕既立無首走厥咎逃避罪也乃降於

巫山自竄于巫山巫山今在建平巫縣

有人名曰吳回奇左是無右臂即奇肱也吳回祝融弟亦為火正也

山海經 卷之六 五

有蓋山之國有樹赤皮支幹青葉名曰朱木或作朱威木也

有一臂民北極下亦有一脚人見河圖玉版

大荒之中有山名曰大荒之山日月所入有人焉三

面是顛頊之子三面一臂無左臂也三面之人不歿言人頭三

邊各有面也玄菟大守王頊至沃沮國問其耆老云復有一破船隨波出在海岬邊上有一人頊中復有

面與語不解了不食而歿此是兩面也是謂大荒之野

西南海之外赤水之南流沙之西有人珥兩青蛇乘

兩龍名曰夏后開開上三嬪于天嬪婦也言獻美女于天帝得九

辯與九歌以下皆天帝樂名也開登天而竊以下用之也開筮曰昔彼九冥是與帝辯同

宮之序是為九歌又曰不得竊辯與九歌以國于下義具見于歸藏此穆天之野高二



千仞

竹書曰顓頊產伯鯀是維若陽居天穆之陽也

後開舞九招也

開焉得始歌九招

竹書曰夏

有互人之國

人面魚身

炎帝之孫

炎帝神農

名曰靈恣

音如券契之契

靈恣生互人是能上下于天

言能乘雲雨也

有魚偏枯名曰

魚婦顓頊死即復蘇

言其人能變化也

風道北來天乃大水

泉

言泉水得風暴溢出道猶從也韓非曰玄鶴二八道南方而來

蛇乃化為魚是謂

魚婦顓頊死即復蘇

淮南子曰后稷龍在建木西其死復蘇其中為魚蓋謂此也

有青鳥身黃赤足六首名曰觸鳥

觸音

有大巫山有金

之山西南大荒之中隅有徧勾常羊之山

按夏后開即啓避漢景帝諱云

山海經

卷之十六

六

山海經第十六